

ժԳ. գրեաց առ նոսա: Որք յանձն առեալ էին կատարել զհրամայեալսն ամենայն ըստ գրեցելոյն:

Վասնորոյ զթուղթ գարձեալ ըստ առաջնոյն որպիսութեան. և պնդագոյն զնոյնս պատուիրելով գրեաց առ նոսա, որ էր և ի վերայ Զրուանու և Դարբանտու, Մուսկիւրու և Բարուայ և ամենայն շրջակայ տեղեացն, զորս և ի բերան պատուիրեաց Տէր Զարարիային, զի ծանուցէ նոցա: Որպէս զի՝ մի ընկալցին զմի որ յերկուց ինքնընծայիցն, և մի զժողովարարս նոցին ընկալցին, և զարդիւնս ինչ տայցեն նոցա, և թէ յայլուստ ժողովեալ առ ինքեամբք անցուցանել կամիցին, արգելցին, և առեալ ի նոցանէ զարդիւնսն, առ ինքեանս պահեսցեն, մենչեւ միապետեսցի երկճգութիւնն, և հաստատեսցի Աթուն: Նոյնպէս և եթէ ժողովարանն առ ինքեամբք անցանելոց իցէ երթալ յայլուրեք, արգելցեն և մի թողուցուն և բազում առ այս պատուէրք:

Իսկ ի հաշտարխան այսր իրակութեան ազագաւ: Թուղթ գրեաց Սրբագան Վեհն առ հասարակ ժողովուրդս, ծանուցանելով զերկճդեցելոցն զորպիսութիւն և զկտոմ իւր, թէ զինչ իցէ առնելոց: Եւ պատուէր նոցին զի մի եւս զժողովարարս նոցին ընդունիցին և մի զարդիւնս ինչ տայցեն նոցա, և ըզտուեալսն յետս աւցեն ի լիրք ժողովարարէն, որ նարդեանս էր անդ Խաշատուր անուամբ (զորմէ և ի նոյեմբերի Ե. ի վեր այդր անս ասացար): Եւ պահեսցեն զայնս առ ինքեանս մինչեւ միապետեսցի երկուցութիւնն և Գանձատար հաստատեսցի, և յայնժամ որպէս գրեսցէ, այնպէս առնիցեն: Յուցանելով նոցա, թէ մինչ ըստ գրեցելոյս ոչ առնիցէք, յիրաւի, զվէրս ի վերայ վիրաց կուտէք ինձ, և այնուհետեւ ի բարկութիւն զիս զրգուէք: Յուցանելով և զլրբութիւնան նորին լիրք ժողովարարի, զոր անդէն ընդդէմ սրբոյ Աթուոյս առնէր:

Թուղթ եւս առ առաջնորդ Ստեփաննոս վարդապետն ըստ նմին գարձեալ և նոյնն, բայց և մեղադրութիւն վասն ժողովարարս Գանձատարցոյն ըստ նոցին ախորժակաց նուիրակ անուանելոյն, և զանուն Իսրայէլին ի պատարագոջն յիշելոյն, և յերկար ժամանակս զպատասխանիս թղթոցն իւրոց ոչ գրելով: